

111 年全國語文競賽原住民族語朗讀 【萬大泰雅語】 國小學生組 編號 1 號

gong na rapiriy

cel kutux ka gong nanahi' rik, matasi' ci pascex taxan kora' ka use' lu
ragex ki! gunluw ci papak na nabkis maskakiy nanu' ki ga, maha hari'
cunka' rex paskakayan. tu'uy ni ga tuhya' ci ma'ai'ri' lu tin_git gumorow
use'. si ingkux matox na ci'uli' alang! maban yaba' la ucyux cubay paki'
use' gong ki! as taxi na ro'ri' kora' ka balulung lu ucyux! pasigalun ka urati'
ga, payux ka kakagang maki' ki'! yaka suntuhya' ci alang, payux la
a'asinuw ni, hanhamut na kukuya' lu pulaka'. kani ka kisli' kelan na rapiriy
ka yonani.

sasan marbuna', pascex ka wagi' laga. pas_aring mulaka' ka rapiriy la.
gunluw syaw na use' gong mulaka'. matox ci rapak ga mahnguw hunyak ci
aringu' na rapak hang. masinpayux la iro' naka rapiriy. ini' pintana' ka ralu'
naha' uri. kelan ka sun rapiriy abaw kahuni', yaka mintana' ci abaw na
kahuni' ka alihur ni'. maskitu' binanaran uri!

maki' cika sisyaw na gong, si kehul ci ututux lalabu' na baling
ka rapiriy. ci'enan ci babus sinli' ututux rex. si ruruw ci rapiriy moh tuspa'.
anak ini' tatalang pare' cirapiriy, as taxi nel nak mulaka' baling tuspa' kora'
la. sitatama kunrak na aba'. ya as rong tuhya' la sinkanaxan naka babus.

kani ka sun inlurang na rapiriy. yonani sita utux musa' matox ka baling
pinsan ci babus ga, paspun baling ki ka lanlamu' na rapiriy. umabas payux
la iro' naka rapiriy laha cika hungu' amutux wa! ramas carung taxan!

utux rex maki' ki ga, abas payux la inagal. ho' ga, as ka sahyawan ini'
huri'iy ka alihur ni. masgali' ka alihur na rapiriy laga, mahyuw binanaran la.
hunco' ka mama' kunrak ci rapiriy ka ci'uli' rali'? kaca tikiy ka si awah na
pila' naha. binarun ci ci'uli' maginbiniy. maha' su' maha, hicolun
maginbiniy ka rapiriy hiya'? ini' ba'iy mani' uri? ci kaca, ruma' ci'uli' ga,
ini' kuba' ci hahicolun ka rapiriy hani lu panarit maha “ pira' utux toting? ”
mung ka ci'uli' purapiriy ga papalak mase'. rapiriy ga, atapan naha ci alihur,
sipatakapah naha patas, sable'an ci ramas taxan na morow, ragex, use' gong,
tagli', rapak lu lanlamu' na patas nel ta' taxan. yona sasing kinramasan
taxan! moka arat hari intaxan na rapiriy hiya' ga maskitu' binarun. kaca ka
paki' hari' cika lahlalur. bali'un sungku' angungu' ci hahakun na mama'.

111 年全國語文競賽原住民族語朗讀 【萬大泰雅語】 國小學生組 編號 1 號

蝴蝶谷

有個非常幽靜又美麗的地方，跟著老人家腳步，清晨出發大約中午時分才會到達，也或許又爬山又涉水，族人對它趨之若鶩，自然成為蝴蝶的好地方。在縱谷之間，我們先築好一溜一溜的陷阱，在陷阱裡倒下我們早就儲存好幾天的尿液，當作誘餌，沿著溪流，無數個陷阱就是我們捕捉蝴蝶的利器，我們只需要來回在陷阱之間，一天就會有很不錯的收穫。但是，在捕捉的過程要很小心不能讓蝴蝶的羽翼受到傷害，不然就前功盡棄了。

捕捉蝴蝶是因為在當時，蝴蝶可以賣給商人，聽說他們是拿去製作標本，越是罕見的蝴蝶價錢就越貴，我們也就更認真細心的保存，但差不多兩三天我們就必須下山把蝴蝶帶去做交易，以防它被蟲蟻蛀壞，當時雖然辛苦，但，每次交易完，看到父母臉上滿意的表情，我們也就知道，我們又可以從山下滿載而歸了。